

Transkription von Stadtbucheintrag HWI 1497a

Ort, Datierung: Wismar, 1497-01-11

Signatur: Stadtarchiv Wismar, Abt. VI, Amtsbücher E, Liber testimonialis civitas, S. 67

Inhalt: Rat der Stadt Wismar: Amtsbucheinträge

CXLIII /

Winolt wint(er)poll Jacob klene Hans Stettin vn(de) Hans Vicke / borger(e) tor wiszmer hebb(e)n gelauet mit ener samenden hant Dath / Katerina nalaten(e) husfrouwe selighen hans hinricks , schal den kin/deren de de sulue hans hinricks hefft nagelaten In fruntschop oft(e) / rechte neghafftighe erffschichtinghe doch , also vele se en van rechte / to donde plichtich vn(de) schuldich isz , dar vp so hebben de frunde , der / vorberurth(en) kinder(e) , tilse de grottmoder Gerd Cladow vn(de) hans lutke=/henneke , bewillet vn(de) beleuet , dat de ergnan(ten) Kate(r)ina mach bislapen / vn(de) zick vorander(e)n dit is geschen vor den Ersamen her(e)n Gerd / lost Bernd peghell Iohan Hoppenacken vn(de) Peter malchouwen / Borg(er)mester(e)n tor wismer Anno etc(etera) xcviij am(e) mandage na der hilli/ghe(n) drijer koninghe dage ¹ /

CXLV /

Clawes Meyer borgher to d(er) wismer hefft vorgegeuen vn(de) zuck be=/clagheth wo he Schipper Marquardt Stolten [mith] voriar(en) vorgan=/ghen veer(e) last wismersz bers hadde ingeschepeth , westrauth to zwe(r)in / besten touorkopen(e) welker(e) veer(e) last bersz de vorben(omede) Schipper schale / hebb(e)n vorkofft , vn(de) xxij kopmans guld(en) sint vm(me) dar van nastendich / gebleuen etc(etera) derweghen de vorben(a)n(te) Schipper zuck hefft vorwilkorth , / hee personlik(e)n edder dorch zine(n) vulmechtig(e)n , intokomen(en) voriar(en) vor=/forderinghe wil doen offt(e) doen laten Sodane xxij kopmans guld(en) mo=/ghen Inghemanet vn(de) betalt werden , dat de ergnan(te) Clawes hefft / bewillet vn(de) angeeinneth , So lange , de vorben(ante) Schipp(er) offt(e) zin vul=/mechtighe intvoriar(en) tohusz wedder werden konren(e) , vn(de) de vorbenom(ede) / Schipper Marquard irlanghe betalinghe edder nicht , wil he alsdenn(e) / dem(e) vorben(omeden) Clawese Sodane(n) bers haluen ver dem(e) Ersamen Rade / tor wism(er) zoleghen vn(de) don wat recht isz dit is gescheen vor den Er=/samen her(e)n Bernd Peghell Gerd lost vn(de) Iohan hoppenacke(n) Borgh(er)/mester(e)n tor wism(er) Anno M cccxcviij am(e) Dinxtedage na kate(r)ine ² /

¹ Datum des Eintrags ist Datum der Kopfzeile

² Datum des Eintrags ist: 1497-11-28